

Broj nabavke: 1399/19
Broj akta: 1598/19
Datum: 03.09.2019. godine

Na osnovu člana 64. stav 1. tačka b), člana 68. stav 4. tačka i) i člana 70. stav 1., 3. i 6. Zakona o javnim nabavkama Bosne i Hercegovine ("Službeni glasnik Bosne i Hercegovine", broj 39/14) i člana 66. Statuta – prečišćen tekst Komunalnog preduzeća "Budućnost" akcionarsko društvo Laktaši broj: 449/12 od 27.06.2012. godine, a na preporuku Komisije za javnu nabavku kredita date u Zapisniku o pregledu i ocjeni ponuda broj: 1597/19 od 03.09.2019. godine, direktor KP "Budućnost" a.d. Laktaši, dana 03.09.2019. godine, donio je

ODLUKU

o izboru najpovoljnijeg ponuđača

I

Prihvata se preporuka Komisije za javnu nabavku sadržana u Zapisniku o pregledu i ocjeni ponuda broj: 1597/19 od 03.09.2019. godine i ugovor za javnu nabavku finansijskih usluga – usluga odobravanja kredita dodjeljuje se ponuđaču **NLB "Banka" a.d. Banja Luka**, ponuda broj: 03.01-2-13840/19 od 19.08.2019. godine, za ponudenu ukupnu cijenu u iznosu od **29.816,07 KM** bez PDV-a, kao najpovoljnijem ponuđaču nakon uspješno provedene e-aukcije.

II

Odbacuje se kao neprihvatljiva ponuda ponuđača **"Raiffeisen bank" d.d. BiH** jer ista nije potpuna i nije u skladu sa zahtjevima iz tenderske dokumentacije, a u skladu sa članom 68. stav 4. tačka i) Zakona o javnim nabavkama.

III

Prijedlog ugovora o javnoj nabavci dostaviće se na potpis izabranom ponuđaču **NLB "Banka" a.d. Banja Luka** u skladu sa odredbama Zakona o javnim nabavkama.

IV

Ova Odluka objaviće se na web stranici www.kpbuducnost.com istovremeno sa njenim upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

V

Ova Odluka dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke kredita broj: 1399/19 od 30.07.2019. godine.

Javna nabavka je sprovedena putem otvorenog postupka.

Kriterij za izbor najpovoljnijeg ponuđača je bila najniža cijena.

Procijenjena vrijednost javne nabavke bez PDV-a iznosila je 34.000,00 KM.

Obavještenje o nabavci broj: 470-1-2-690-3-18/19 poslato je na objavljivanje dana 30.07.2019. godine, a objavljeno je na Portalu javnih nabavki dana 30.07.2019. godine.

Sažetak Obavještenja o nabavci objavljen je u "Službenom glasniku Bosne i Hercegovine" broj: 52/19 od 02.08.2019. godine.

Komisija za javnu nabavku imenovana je Odlukom broj: 1400/19 od 30.07.2019. godine.

Komisija za javnu nabavku dostavila je dana 03.09.2019. godine Zapisnik o pregledu i ocjeni ponuda broj: 1597/19 od 03.09.2019. godine, sa preporukom o izboru najpovoljnijeg ponuđača i odbacivanjem ponude jednog ponuđača.

U postupku po Zapisniku o pregledu i ocjeni ponuda je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispijelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 3 (tri);
- da su blagovremeno zaprimljene 3 (tri) ponude;
- da nema neblagovremeno zaprimljenih ponuda;
- da su ponude ponuđača NLB "Banka" a.d. Banja Luka i "Nova banka" a.d. Banja Luka, prihvatljive,
- da je ponuda ponuđača "Raiffeisen bank" d.d. BiH neprihvatljiva, te je data preporuka za njeno odbacivanje.

Komisija za javnu nabavku je u Zapisniku o pregledu i ocjeni ponuda broj: 1597/19 od 03.09.2019. godine navela da je prilikom pregleda i ocjene ponude ponuđača "Raiffeisen bank" d.d. BiH utvrdila da je ponuda ponuđača neprihvatljiva, jer ista nije potpuna i nije u skladu sa zahtjevima iz Tenderske dokumentacije, iz sljedećih razloga:

- Ponuđač u ponudi nije dostavio dozvolu za rad izdatu od strane nadležne agencije za bankarstvo. U tački 12. Tenderske dokumentacije određeno je, između ostalog, da je ponuđač dužan dostaviti original ili ovjerenu kopiju dozvole za rad izdate od strane nadležne agencije za bankarstvo.
- Ponuđač u ponudi nije dostavio Bilans stanja i bilans uspjeha za 2018. godinu. U tački 13. Tenderske dokumentacije, a koja se odnosi na finansijsku i ekonomsku sposobnost ponuđača, kao uslov je određeno da je ponuđač poslovaao sa pozitivnim poslovnim rezultatom odnosno da je poslovaao sa dobiti u poslovanju u 2018. godini. Kao dokaz ekonomsko-finansijske sposobnosti ponuđača traženo je dostavljanje ovjerene pismene izjave o ispunjenosti uslova iz člana 47. Zakona o javnim nabavkama, te bilansa stanja i bilansa uspjeha za 2018. godinu, za koje je određeno da se dostavlja u običnoj kopiji uz ovjerenu izjavu iz člana 47. Zakona o javnim nabavkama, a da je ponuđač kome bude dodijeljen ugovor u ovom postupku javne nabavke dužan dostaviti navedene dokaze u originalu ili ovjereojoj kopiji od strane nadležne institucije u roku od 5 dana od dana obavještenja o dodjeli ugovora. Članom 47. stav 4. Zakona o javnim nabavkama propisano je da se dokazi o uspunjenosti uslova ekonomske i finansijske sposobnosti ponuđača iz člana 47. stav 1. Zakona o javnim nabavkama dostavljaju zajedno sa izjavom koju ovjerava kandidat/ponuđač, u formi i na način koji propisuje Agencija podzakonskim aktom. Ponuđač je dostavio izjavu u formi koja je propisana od strane Agencije, ali uz izjavu nije dostavljen dokaz ekonomske i finansijske sposobnosti ponuđača, tj. bilans stanja i bilans uspjeha.
- Ponuđač je u ponudi dostavio Punomoć broj: 1-15-3-36067/2019 od 08.08.2019. godine u kojoj je navedeno da se ovlašćuju dva zaposlenika ponuđača da u svojstvu predstavnika ponuđača mogu potpisati Obrazac za ponudu i učestvovati

u javnom otvaranju ponuda u predmetnom postupku javne nabavke. Uvidom u ponudu, Komisija je utvrdila da su lica navedena u Punomoći od 08.08.2019. godine potpisala: Obrazac za ponudu, Obrazac za cijenu ponude, Izjavu iz člana 47. Zakona o javnim nabavkama, izjavu iz člana 45. stav 1. Zakona o javnim nabavkama, izjavu iz člana 52. Zakona o javnim nabavkama, nacrt ugovora o javnoj nabavci, dok su prema sadržaju priložene punomoći bili ovlašteni da potpišu samo Obrazac za ponudu. Shodno navedenom, Komisija konstatuje da nije priložena punomoć iz koje je vidljivo da su ovlaštena lica potpisala Obrazac za cijenu ponude, Izjavu iz člana 47. Zakona o javnim nabavkama, izjavu iz člana 45. stav 1. Zakona o javnim nabavkama, izjavu iz člana 52. Zakona o javnim nabavkama i nacrt ugovora o javnoj nabavci.

Komisija je iz navedenih razloga dala preporuku da se ponuda ponuđača "Raiffeisen bank" d.d. BiH odbaci kao neprihvatljiva navodeći da je članom 68. stav 4. tačka i) Zakona o javnim nabavkama propisano da je ugovorni organ dužan odbaciti ponudu u slučaju kada ponuda nije potpuna i nije u skladu sa zahtjevima iz tenderske dokumentacije.

Ugovorni organ je prihvatio preporuku Komisije za javnu nabavku, te je na osnovu člana 68. stav 4. tačka i) Zakona o javnim nabavkama Bosne i Hercegovine odbacio ponudu ponuđača "Raiffeisen bank" d.d. BiH, jer ista nije potpuna i ne ispunjava zahtjeve iz tenderske dokumentacije, a iz gore navedenih razloga koje je Komisija za javne nabavke obrazložila u Zapisniku o pregledu i ocjeni ponuda.

Članom 68. stav 4. tačka i) Zakona o javnim nabavkama propisano je da je ugovorni organ dužan odbaciti ponudu u slučaju da ponuda nije potpuna i ne ispunjava zahtjeve iz tenderske dokumentacije. Nesporno je da ponuda ponuđača "Raiffeisen bank" d.d. BiH nije potpuna i nije u skladu sa zahtjevima iz tenderske dokumentacije, obzirom da ponuđač nije dostavio dozvolu za rad izdatu od nadležne agencije za bankarstvo, kao što je traženo u tački 12. tenderske dokumentacije, te nije dostavio bilans stanja i bilans uspjeha za 2018. godinu, kao što je traženo u tački 13. Tenderske dokumentacije, niti je dostavio punomoć iz koje je vidljivo da su dokumentaciju iz ponude, sa izuzetkom Obrasca za ponudu, potpisala lica koja su za to bila ovlaštena.

Iz Zapisnika o pregledu i ocjeni ponuda je nadalje vidljivo da je provedena e-aukcija, da je ista počela dana 29.08.2019. godine u 14,00 časova, a završena u 14,19 časova, te da je konačna rang lista ponuđača koji su učestvovali u e-aukciji sljedeća:

R. br.	Naziv ponuđača	Konačna cijena bez PDV-a (KM)
1.	NLB "Banka" a.d. Banja Luka	29.816,07
2.	"Nova banka" a.d. Banja Luka	30.070,54

Ugovorni organ je prihvatio preporuku Komisije za javne nabavke te ugovor o javnoj nabavci za nabavku usluga odobrenja kredita dodijelio ponuđaču NLB "Banka" a.d. Banja Luka, obzirom da je isti tokom e-aukcije ponudio najnižu cijenu, koja je bila kriterij za izbor najpovoljnijeg ponuđača.

U postupku donošenja ove Odluke posebno su cijenjene činjenice da je Komisija, potpuno i pravilno, izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima iz tenderske dokumentacije.

U postupku ocjene provedenog postupka, direktor Ugovornog organa nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocjenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Uvidom u priloženu dokumentaciju, nesporno je da je izabrani ponuđač najbolje ocjenjen zbog «**najniže cijene**», nakon provedene e-aukcije, te je utvrđena sljedeća rang lista:


R. br.	Naziv ponuđača	Konačna cijena bez PDV-a (KM)
1.	NLB "Banka" a.d. Banja Luka	29.816,07
2.	"Nova banka" a.d. Banja Luka	30.070,54

Izabrani ponuđač je ponudio najnižu cijenu u iznosu od 29.816,07 KM.

Iz navedenih razloga, a primjenom članova 64. stav 1. tačka b) i člana 68. stav 4. tačka i) Zakona o javnim nabavkama odlučeno je kao u dispozitivu Odluke.

Pouka o pravnom lijeku

Protiv ove Odluke može se izjaviti žalba Kancelariji za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke.


Ugovorni organ
Direktor
Dr. Kelečević Dragan
Kelečević Dragan

Dostaviti:

- Ponuđaču: NLB "Banka" a.d. Banja Luka
- Ponuđaču: "Nova banka" a.d. Banja Luka
- Ponuđaču: "Raiffeisen bank" d.d. BiH